



Mafunzo ya Biblia

1 Yohana

1 Yohana 1

Mtume Yohana aliwekwe pumzi na Mungu kuandika injili, kitabu cha Ufunuo na nyaraka tatu. Shauku yake na kujitolea kwake kwa Yesu ni dhahiri na hamu yake kwetu kuelewa kwamba Yesu, ingawa ni mwanadamu, pia ni Mungu Mwenyezi anaonekana wazi. Ni huzuni lakini huenda sio ya kushangaa, kuona jinsi makosa na mafundisho ya uwongo yanahitajika kukabiliwa na mitume haraka sana katika kanisa la kwanza.

Ushuhuda

1 Yohana 1 inaanza kwa njia sawa na vile mlango wa 1 wa injili ya Yohana.

Yesu ni Muumbaji

Alikuweko tangu mwanzo. Yeye ni wa milele. Alifanyika mwanadamu na kwa hivyo, alionekana, akatazamwa, akaguswa na kutangazwa kama Neno linakuwa mwili.

Yesu ni Chanzo cha Uzima

Alikuwa kama kiumbe kinachoishi nan i chanzo cha maisha ya milele. Yeye ni mmoja na Baba.

Yesu ni Mungu Pamoja Nasi

Mitume walinena kuhuzu kile ambacho walikuwa wamejua na kupitia kibinafsi. Walitamani wengine wawe na uhusiano huu wa kibinafsi pia na Mungu - ushirika, urafiki na uhusiano wa karibu na Mungu. Tunapooona haya na kuona wengine wakija kwa Yesu, inaleta ukamilifu kwa furaha yetu katika Kristo.

Ujumbe wa Mungu

Ujumbe unatoka kwa Mungu, sio kutoka kwa mitume. Paulo alisema karibu jambo lile lile, na Yesu mwenyewe kila wakati alimtaja Baba.

Mungu ni Nuru

Mzizitizo ni juu ya usafi wa Mungu, utakatifu na haki. Kutembea na Mungu kunahitaji kuwa wazi na kuwa muaminifu. Hakuna udanganyifu au unafiki.

Tanajitaganya wenyewe, tukisema tuko na ushirika na Mungu kama kuna kiza chochote katika mioyo yetu. Kiza kinaweza kuwa uchawi na uasi lakini hata dhambi ndogo kabisa inatufanya tutenganizwe na Mungu.

Tembea Katika Nuru

Tunastahili tuwe wazi mbele ya Mungu. Hakuna kinacho weza kufichwa kutoka Kwake, kwa hivyo ni upumbavu kujaribu kuficha chochote. Tunapo kuja kwa Mungu na kumruhuzu kufunua kile kilicho katika mioyo yetu, tuko na fursa ya kuungama na kukubaliana naye kuhuzu ukweli wa hali yetu ya kiroho. Ndipo tunaweza kuwa na ushirika wa kweli na wengine ndani ya Kristo, na pia na Mungu.

Ni uchungu kuja kwa nuru ya Mungu lakini, tunapofanya hivyo, kuna fursa tukufu ya kupata neema yake na kusafishwa kwa damu ya Yesu. Damu ya Yesu inaweza kushughulikia hatia yetu, uchafu na hukumu ambayo tunastahili kupata kwa ajili ya dhambi zetu.

Sisi ni waongo tunaposema hatuna dhambi lakini tukiwa na kuungama kwa mioyo yetu, inakuja ahadi kwetu sisi ya kusamehewa na kutakazwa. Hatukataliwa tena lakini tunakubaliwa kabisa, katika ushirika na urafiki na Mungu na tunaweza kufurahiya uhusiano wa kina na wengine katika mwili wa Kristo.

Mungu hawezi kutanganya. Tathmini yake juu yetu ni sahihi kabisa. Uthibitisho wa neno lake kukaa ndani yetu, ni ufahamu wetu wa dhambi na wa Mwokozi wetu, Yesu, ambaye alikufa kushughulikia hilo!

Vipengele vya Kuzingatia:

1. Tuko waaminifu kwa ujumbe wote wa injili? Yesu ni Mungu na Yesu ni mwanadamu. Yeye ni wote wawili!
2. Tunatambua kiunganisho kamili kati ya uhusiano wetu na Mungu na mmoja kwa mwingine? Hatuwezi kusema juu ya kumjua Mungu na, bado, kuwa mahali pabaya na wengine katika mwili wa Kristo.
3. Tunatembea katika nuru? Sisi ni wasiri au hata tunaepuka kutoa majibu wazi? Lazima tuwe wazi, waaminifu na waaminifu kwa Mungu na kwa watu wengine.
4. Tunafikiriaje kuhuzu kuungama dhambi zetu? Sio tu maneno tunayo nena - lazima iambatane na mabadiliko ya kweli ya moyo na mtazamo.
5. Mungu ni mtakatifu lakini anataka sana kuwasamehe wanaotubu. Tunathamini hilo? Tunathamini sana damu ya Yesu iliyomwagwa kwa ajili yetu?

1 Yohana 2

Katika mlangowa pili wa barua yake, Yohana anaendelea na madha yake ya msamaha, kiza na nuru lakini tena ana mambo yaliyo wazi ya kusema kuhuzu hitaji letu la kumpenda mmoja na mwingine. Analeta sababu muhimu kwake yeye kuandika waraka wake. Anawahimiza waamini kutopenda ulimwengu na anawaonya watu dhiti ya wapinga Kristo na udanganyifu. Pia anawahimiza waamini wawe tayari kwa kuja tena Yesu mara ya pili.

Watoto Wapendwa

Mtume kwa wazi ni mtu wa huruma na yuko na heshima kubwa kwa watu wa Mungu. Moyo wake ni moyo wa baba na anataka huruma na nidhamu ipatikane kwa njia ya kibinafsi sana.

Yesu Mtetezi

Tamaa ya Yohana ni kwamba dhambi katika maisha ya mwamini inapaswa kuwa nadra, badala ya mara kwa mara. Anatoa matumaini kwamba, ikiwa tutatenda dhambi, kuna mtu ambaye atatuwakilisha na kutusemea. Walakini, kwa sababu ya Kristo, tunapaswa kulenga kutotenda dhambi kila wakati.

Kumpenda Mmojana Mwingine ndani ya Mwili wa Kristo

Yohana anaeleza kuwa, kama tumekuja kwa Kristo kwa ukweli, tutakuwa watiifu kwake na kwa hivyo kutii amri zake. Utiifu ndiyo kiini kikuu cha kuelezea kuwa injili ni kweli na imekuza maisha yetu. Kama kwa ukweli tunampenda Yesu, tutaishi jinsi vile alivyoishi. Kwa hakika, hii sio mtazamo mpya. Kuishi katika nuru ya Mungu inamaanisha hatuwezi kumchukia ndugu au dada yetu ndani ya Kristo. Chuki ni matendo ya kiza na hatuko katika mahali pale tena. Katika Kristo, tunaweza kutembea kwa ujasiri na sio kujikwaa bila kusudi.

Sababu za Kuandika

Watu wa Mungu si kama ulimwengu, katika giza na kukata tamaa. Tuko katika mahali bora Zaidi. Maandiko ya kishairi kurudiwarudiwa maneno ‘watoto wadogo’, ‘akina baba’ na ‘vijana’, inanena kwa watu wa Mungu ambao wamesamehewa na kuogolewa kutoka kwa dhambi kwa Imani ndani ya Yesu - na ambaye amejuliswa kumjua Mungu kama baba. Wakristo wazee, ambao wamekuwa waaminifu kwa miaka mingi. Wakristo wachanga, ambao wameshindayule muovu na wametiwa nguvu n Mungu. Sisi sote tunafarijiwa na maarifa kuwa tuko na Mungu wa milele ambaye kila wakati amekuwa na kila wakati atakuweko kwa ajili yetu!

Msipende Ulimwengu

Utaratibu wote wa ulimwengu umeharibiwa na Shetani, ambapo tamaa, hamu ya vitu vya mwili na kiburi nyingi, huharibu upendo wa kweli kwa Baba. Tunatakiwa kuishi katika ulimwengu huu lakini sio kuwa mraibu wa ulimwengu!

Saa ya Mwisho

Yohana anatuambia kuwa wengi wa waalimu wa uongo watakuja na wengi watajifanya kuwa Kristo. Hawa watu, kwa wakati mwingine, wataonekana kuwa sehemu ya kanisa. Hata hivyo, kutofautiana kwao na ukosefu wa imani kutawafunua.

Kama waamini, hatustahili kuogopa. Tumepokea upako kutoka kwa Roho mtakatifu ambao unatufunza ukweli. Jaribio muhimu sana la mafundisho ya uwongo ni yale yanayosemwa juu ya Kristo. Ukiri mzuri ni kumtambua Kristo kuwa Mungu, Bwana na Mwokozi ni njia pekee ya kwenda kwa Mungu ambaye ni Baba. Chochote kidogo ni tuhuma na sio kweli. Roho wa Mungu aliye ndani mwetu kila wakati atamheshimu Yesu.

Yesu anarudi tena. Tunapompenda na kutafuta kuishi maisha ya haki mbele yake, hakutakuwa na chochote cha kuogopa aukuaibika siku hiyo kuu wakati anakuja kutawala na kudumu milele!

Vipengele vya Kuzingatia:

1. Tunawaonaje watu wa Mungu? Marejeleo ya John kwao kama 'watoto wapendwa' yanasema mengi kumhusu. Jinsi tunavyozungumza juu ya wengine inaweza kusema mengi juu yetu.
2. Ni wakati gani wa mwisho ulipomshukuru Yesu kwa kuwa mtetezi wako? Je, tunafurahia upendo wake kwa kuwa tayari kutuakilisha mimi na wewe?
3. Tunachukulia kwa uzito maoni ya John kwamba upendo wetu kwa kila mmoja unaonyesha upendo wetu kwa Kristo? Tunatoa visingizio vya kuwa wakosoaji na wasio na fadhili kwa wengine, ambao pia wanampenda Yesu kama sisi?
4. Yohana anawaandikia watu aina yote ndani ya mwili wa Kristo. Je, tunawaheshimu kila mmoja au ni kwa wale tu rika yetu?
5. Ni kwa njia gani unapata ulimwengu kuwa wa changamoto kwamaisha yako ya Kikristo? Tunawezaje kushinda, ili tuwe wenye haki na kutochukuliwa na majaribu ya ulimwengu?
6. Ni kwa uzito gani tunayakataa mafunzo ya uongo? Je, tutakuwa na ujasiri au kuaibika wakati Kristo anapokuja?

1 Yohana 3

Sura hii inazungumza kwa nguvu na kwa nguvu juu ya upendo wa Mungu. Tunaona matokeo ya huo upendo juu yetu na, pia, njia ambayo ajenda ya shetani imevunjwa na kufutwa. Upendo wa Mungu unapaswa kuwa dhahiri na kwa hivyo, lazima ionyeshwe kwa njia ambayo waamini hutendeanza. Uhalisi wa maisha ya kiroho ya ukweli na Mungu utaonekana vile tunavyo watendea ndugu na dada ndani ya Kristo.

Watoto wa Mungu

Hii ndio hali yetu mpya kwa sababu ya Kristo. Sisi ni watoto sio tu watumishi. Mungu anapenda viumbe vyake vyote lakini tuko na uhusiano wa kipekee kwasababu ya Yesu. Hii imekuja kutokea kwa sababu ya upendo wa Baba. Ni upendo wa Baba; ni upendo tele; upendo ambao hatustahili kuwa nao, upendo unaopita kutafakari kwa mwanadamu. Tustahili ghadabu ya Mungu, sio upendo wake lakini huu upendo wa ajabu wa Mungu umetufanya tuwe wa kipekee katika ulimwengu. Kama watoto wa Mungu, tuko na usalama, tuko katika mipango yake na tunatarajia siku zijazo tukufu!

Kumuona Yesu

Yohana anashiriki nasi tumaini la kipekee kama waamini. Tunapomuona Yesu jinsi vile alivyo, tutakuwa kama yeye. Ni tumaini la namna gani! Huo wakati tutakapo muona, tutaelewa maajabu yote ya kufaamu yeye ni nani na tutakuwa huru kutokana na vita vyetu dhidi ya majaribu na dhambi. Pasipo kuwa na udhaifu katika tabia au katika mwili, tutakuwa tu kama Yesu. Hallelujah!

Sheria na Ibilisi

Kutotii sharia na uasi wetu umeshughulikiwa. Tuna asili mpya ambayo haiendelei kutenda dhambi. Tangu tuje kwa Kristo, tuna maisha tofauti kabisa na kutenda dhambi kwa makusudi na kutompendeza Mungu sio sehemu ya maisha haya! Kazi ya Shetani ni uasi na dhambi lakini Yesu amekuja kuharibu kazi yake. Wale waliozaliwa na Mungu watafuata ajenda ya Mungu, sio ya shetani. Kupenda haki na kupenda watu wa Mungu, hii ni ishara tosha kuonyesha tuko na maisha ya Mungu ndani mwetu!

Kumpenda Mungu, Kupenda Mmoja na Mwingine na Kushinda Chuki

Kumpenda Mungu na kupenda mmoja na mwingine ni mahitaji ya kimsingi kwa yule mwamini ndani ya Kristo. Baada ya dhambi kuja ulimwenguni, haikuchukua muda mrefu ndipo Kaini kumua ngugu yake Abeli. Habili alikuwa mwadilifu na hii ilizua chuki kutoka kwa Kaini. Inasikitisha lakini haiepukiki kwamba ikiwa tunaishi kwa haki katika Kristo, tutachochea hasira na uadui kutoka kwa ulimwengu.

Maisha ya milele ni kibawa kutoka kwa Mungu na Roho mtakatifu wake hukaa ndani ya mioyo ya wale wampendao Wake na wanaopenda watu Wake. Huu ni upendo ambao unaonyeshwa kwa zaidi ya hisia tu. Huduma ya kweli, ya vitendo, ya upendo kwa ndugu zetu na dada zetu wanao hitaji, ni ushahidi tosha ya upendo huu na tuko na amani na dhibitisho ndani ya mioyo yetu na akili kwamba tunaishi maisha ya ukweli ya Kikristo, sio kusema tu maneno sahihi! Dhamiri safi hutupa ujasiri wa kushirikiana na Mungu, kuwaombea wengine na ni uwanja wa kuzaa imani kwa Yesu na kutii kila kitu Bwana anatuambia tufanye. Tunakuwa thabiti katika imani yetu, kupitia kuwezesha kwa Roho Mtakatifu wa Mungu!

Vipengele vya Kuzingatia:

1. Ni kwa kiwango gani tunatambua umuhimu wa kuwa watoto wa Mungu? Tunafahamu umuhimu wa mabadiliko haya ya hadhi ambayo Yesu ametupatia?
2. Fikiria kile ambacho kinge maanisha tunapomuona Yesu. Kuwa kama Yesu ni kitu cha kushangaza! Je, tunachukua muda wetu wa kutosha na kutafakari juu ya huu ukweli?
3. Tunatambua ajenda ya ibilisi kwa kiasi gani? Yesu aliharibu kwa njia gani?
4. Ni njia gani halisi tunaweza chukua kuonyesha upendo kwa mmoja na mwingine? Kuna kitu chochote maalum tunaweza kuwafanyia wale walio na mahitaji karibu nasi?
5. Je, kuna hasira na wivu katika maisha yetu? Tunaweza fanya nini ili kuziondoa?
6. Angalia vile ulivyo na ujasiri mbele ya Mungu. Je, kunazo vitu katika dhamira yako ambazo unastahili kuleta kwa Mungu ili itakazwe?

1 Yohana 4

Ni huzuni ktambua kwamba, haraka sana, kanisa changa liko chini ya uvamizi mkubwa na changamoto kubwa ni mafunzo a uongo. Roho ambaye ni mpinga Kristo, kwa haraka anainua kichwa chake na Yohana anataka kanisa kupinga kuenea kwake. Pia anataja mara nyingine tena, umuhimu muhimu wa kujua upendo wa Mungu na kushiriki upendo huo na wengine katika mwili wa Kristo.

Chunguza Maroho

Tunataka kukubali wengine na kuwa wenye neema lakini tunahimizwa katika maandiko kuchunguza na kuthibitisha ikiwa kitu kinatoka kwa Mungu, badala ya kutoka kwa mwili au shetani. Suala kuu ni ushuhuda kumhusu Kristo. Mtu yeyote anayepungukiwa kumtangaza Kristo kama Mungu wa kweli na mwanadamu, atarajie maswali juu ya mafundisho yao.

Manabii wa Uongo

Yohana anatuelezea kuwa kuna manabii wengi wa uongo. Wameenda ulimwenguni na wanaeneza udanganyifu wao. Wao ni wainga Kristo. Hata kama wanaonekana wa kupendeza, wao wako katika vita na Kristo na wanamfanya kuonekana duni. Wao ni wa ulimwengu na kwa hivyo, wana mvuto wa kweli kwa mwili. Wao hawaongei kuhuzu dhabihu na kuteswa lakini wanatokeza kuwa maisha yanastahili kufuraiwa, pasio kujali kama ni sawa na mbaya na wanaongozwa tu na kile kinachoonekana 'kuwa sawa'.

Ushindi

Kama waumini, tuna ushindi juu ya uwongo huu, kwa sababu Kristo anakaa ndani yetu! Kristo ameingia mioyoni mwetu na Roho wake anashuhudia pamoja na roho wetu, kwa kile kinachomendeza Mungu na kile kinacho mchukiza. Kristo ndani mwetu ni mkuu kuliko roho yeyote a uongo. Ibilisi anaweza kuwa na njia zake ulimwenguni lakini hana lolote mbinguni. Tumepangiwa kuenda mbinguni kwa neema ya Bwana Yesu Kristo. Wale walio na Kristo kudumu ndani yao kwa imani katika mioyo yao, watakuwa na ushirika nasi na kuwa kiti kimoja nasi lakini wale wasio kuwa na Kristo, watatupinga na hawatatusikiliza.

Upendo Wetu kwa Wengine

Yohana anawahimiza waamini kupendana kwa sababu upendo unatoka kwa Mungu. Yeye ndiye asili ya upendo na wakati tunamjua kweli, basi upendo wake unakuwa sehemu ya maisha yetu. Tumejazwa na upendo Wake na, mara tu tukiguswa na upendo Wake, inatuathiri milele!

Upendo wa Mngu Kwetu Sisi

Upendo wa Mungu sio wa kihemko tu bali pia ni hatua! Alituma katika ulimwengu wetu, yule wa thamani zaidi na wa kipekee kabisa, Yesu Kristo, mwanawe. Yesu, mahiri na amejaa maisha, alitumwa kufa badala yetu, ili tuweze kupata uzima wa milele, sio kifo cha milele! Adhabu ya haki na kunyimwa tunayostahili kwa dhambi zetu, huchukuliwa na Yesu.

Ushuhuda wa Upendo

Tunajitanganya kufikiria kuwa tuko ndani ya upendo wa Mungu, ikiwa mtazamo wetu kwa wengine katika mwili wa Kristo hauna upendo na unakosoa sana. Kama tumeonja upendo wa Mungu, njia pekee ya kuonyesha hayo ni kupenda na kuwashughulikia wengine. Upendo wetu, kama ule wa Mungu, lazima uonekane katika vitendo na sio tu kwa maneno. Kushuhudia upendo wa Mungu, kutambua kuwa Yesu ndiye Mwokozi pekee, alie funuliwa katika Mungu Mwana, huongeza kuitikia kwetu na imani yetu ndani Yake.

Furaha ya Upendo

Kukomaa na kuendelea katika kufahamu kwetu kwa uendo wa Mungu ni wa muhimu na lazima tujilinde na uzembe wowote. Hatupati kina chake kamili mara moja lakini tunaiendeleza kwa kuangalia kuwapenda ndugu na dada zetu katika Kristo. Kuishi katika upendo wa Mungu, huleta utimilifu katika maisha yetu. Tuko na ujasiri wa kukabiliana na siku ya hukumu kwa sababu tumeupokea upendo wa Yesu. Hakuna sababu yeyote a kuhofia, kwa sababu hukumu yetu imeondolewa. Upendo wetu kwa Mungu hauwezi kamwe kutoka kwa kitu ambacho kinapatikana ndani yetu. Inakuja tu kutokana na kuthamini, kufurahiya na kuzama katika upendo Wake!

Vipengele vya Kuzingatia:

1. Wewe ni mzuri katika kupima ikiwa kitu kinatoka kwa Mungu au la? Unawezaje kuboresha uelewaji wako katika suala hili?
2. Unafahamu mafundisho yoyote ya uwongo na, ikiwa ni hivyo, unashughulikiaje shida hii?
3. Ni nini funguo za ushindi, juu ya uongo na udanganyifu wa adui?
4. Nini kiini na msingi wa upendo wa Mungu?
5. Kuna njia zozote za wazi ambazo unaweza kuonyesha upendo wa Mungu kwa wengine sasa hivi?

1 Yohana 5

Katika barua ya Yohana, anaendelea kutukumbusha kwamba Yesu ni mwanadamu kamili ni Mungu kamili. Anatuhimiza tumpende Mungu na kumpenda mmoja na mwingine, ndani ya mwili wa Kristo. Tumhimizwa kujua kwamba kama tunampenda Kristo, tuko na uzima: Uzima wa Milele! Lazima tuweke dhambi nyuma yetu na kutokuwa na sanamu lakini Kristo pekee katikati kiini cha maisha yetu.

Kuzaliwa na Mungu

Kwa wale wanao aminikwa hakika kwamba Yesu ni Masiya, wamezaliwa na Mungu. Wao wako hai kiroho. Kama tunampenda Mungu, tunatamani kuziweka amri zake. Kwa hivyo sio mzigo lakini, badala yake, njia ya kuonyesha kwamba tunampenda Mungu. Kama tumezaliwa na Mungu, mvuto na vishawishi vya ulimwengu huu haviwezi kutuongoza. Badala yake, Kristo ndani yetu, inatupa ushindi dhiti ya kupenda ulimwengu na zetu za ubinafsi.

Ushuhuda wa Maji, Damu na Roho Mtakatifu

Yohana ametuonyesha kwamba Yesu alitoka kwa Mungu. Alikuwa kwa njia ya mwanadamu na alipatizwakwa maji, kama mfano kuwa tunakufa kwa utu wetu na kuishi kwa ajili ya Mungu. Yesu alikuja kumwaka damu yake, kwa sababu kitu pekee ambacho kingeondoa dhambi zetu ni damu yake. Alilipa gharama ya mwisho, ili tuweze kuokolewa kutoka kwa ghadhabu ya Mungu. Roho mtakatifu hutushawishi kwamba Yesu, aliyetoka kwa Mungu na yeye aliye Mungu, alizaliwa na bikira Maria na aliyejitoea mwenyewe kama dhabihu kule Kalvary, ni yeye tu jawabu kwa hali zetu za hitaji za dhambi.

Ushuhuda wa Kikristo

Hadithi yetu inategemea kukubali kile Mungu ametufanyia. Tunaamini katika upendo wa ajabu wa Mungu, ambaye amejionyesha yeye mwenyewe kwetu sisi kupitia Yesu. Tunaungama kwamba tuko na uzima wa milele kupitia Kristo na tumaini letu la kuwa naye Mbinguni milele, yote imefungamana na kutambua Yesu ni nani. Tunatangaza pia kuwa hakuna njia nyingine ya mtu yeyote kupata wokovu, isipokuwa katika Kristo.

Kujiamini kwa Mungu

Yohana anatuandikia, ili tuweze kuwa na ujasiri kabisa katika kumkaribia Mungu na kuwa na hakika kwamba tayari tuna uzima wa milele. Wakati uhusiano wetu na Mungu uko sawa na tunaomba kulingana na mapenzi yake, tunaweza pia kuwa na hakika kwamba atatusikia.

Dhambi Iletayo Mauti

Kwa Mkristo, dhambi haistahili kututawala. Kwa sababu tumempokea Kristo, amechukua adhabu ya dhambi zetu na ingawa tunaweza fanya makosa na kuanguka, tukiungama dhambi zetu tunaachiliwa na hatukabili adhabu ya milele. Hata hivyo, Yohana anaelezea kwamba kuna dhambi ambayo inaishia kifo. Wengi wamehoji ni nini dhambi hii na ikiwa anazungumzia kifo cha mwili au kifo cha kiroho. Kwa wazi, kitu kikuu ni kuhuzu kama tuna mkubali au tunamkataa Kristo. Tukikataa kutambua Yesu ni nani haswa na kwa ukaidi tunakataa kupokea msamaha wake, halafu tutakutana na sio tu mauti ya kimwili mbali hata na mauti ya kiroho, inayo maanisha kutengwa na Mungu milele!

Kumshida Yule Muovu

Kazi ya Ibilisi ni kupofusha watu wasione Kristo ni nani na kuutawala ulimwengu huu, ili watu wawe na kiburi na wasiwe tayari kupokea wokovu. Wakati tumezaliwa mara ya pili, kata dhambi na umpokee Kristo, tuko huru kutokana na nguvu za Yule muovu. Tunakuja kuelewa kuwa Mungu ni mwaminifu, wa kweli na anayeaminika na kwamba shetani ni mwongo. Yohana anamalizia barua yake kwa kutukumbusha kwamba Yesu ni Mungu wa ukweli anayepeana uzima wa milele na anatuhimiza tuachane na sanamu.

Vipengele vya Kuzingatia:

1. Amri za Mungu sio nzito. Uhusiano wetu nay eye unaonyesha ukweli huo?
2. Katika njia halisi, ni nini maana ya kuushinda ulimwengu?
3. Je, tunakubali kwa hakika ushuhuda wa Mungu kupitia Roho Mtakatifu, juu ya mwana Wake?
4. Tunawezaje kuwa na uhakika kwamba adui wa Mungu, Shetani, hana mamlaka juu ya maisha yetu?
5. Ni nini ushuhuda katika mioyo yetu ambayo inatupa ujasiri ndani ya Mungu?